

Sect. 1. Atocion. Calyx 10striatus, clavatus. Pedicelli fasciculati in cymam utrinque evolutam corymbiformem saepius contractam collecti. — Folia lanceolata — elliptica.

10) *S. Asterias* nov. sp. perennis, caule erecto simplici glaberrimo sub nodis viscido, foliis virentibus spathulato-lanceolatis basi connatis apice obtusis, superioribus breviter acuminatis, cyma terminali multiflora capituliformi, calyce basi rotundato clavato glabro, dentibus ovato-lanceolatis obtusiusculis, petalis atropurpureis brevissime coronatis, unguibus calycem aequantibus, laminis integris oblongis stamina subaequantibus, capsula oblonga inclusa carpophorum aequante. It. 2. p. 166. 172. (*Saponaria Asterias*.) — *Silenea* Macedoniae pulcherrima, cum nulla alia arcte consociata, foliis inferioribus basi longe connatis et statura stricta orgyali cum *Gentiana lutea* L. potest comparari. Rhizoma repens, breviter stoloniferum. Caulis 3 — 4 pedalis, basi 3 — 4<sup>'''</sup>, superne 2 — 1<sup>'''</sup> diam., internodiis sursum crescentibus 4 — 6<sup>'''</sup> longis teretibus striatis. Folia ima 5 — 4<sup>'''</sup> longa, versus apicem 10 — 8<sup>'''</sup> lata, sensim in basin 4 — 3<sup>'''</sup> latam attenuata, in vaginam 6<sup>'''</sup> longam internodii basin libere ambientem connata, inferiora conformia sensim breviora, media et superiora abbreviata elliptico-lanceolata, brevius connata, erecta, 2<sup>'''</sup> fere longa, 6<sup>'''</sup> lata, suprema internodio elongato a cyma remota 1<sup>'''</sup> longa, 4<sup>'''</sup> lata, omnia membranacea, laete virentia, penninervia. Cyma capituliformis, solitaria, 20 — 40flora, 1<sup>'''</sup> fere diam., bracteis exterioribus ovato-subulatis scarioso-membranaceis calyces exteriores subaequantibus, bracteolis minoribus lanceolatis. Calyx sessilis, superne rubens, 6 — 8<sup>'''</sup> longus, dentibus tubo quadruplo brevioribus. Petala breviter exserta, sinistrorsum (in gemma examinata) contorta, lamina 3<sup>'''</sup> longa 1<sup>'''</sup> lata, corona brevissima bipartita, ungue sensim attenuato carpophori apici cupuliformi ad marginem inserto. Stamina subinaequalia, alterna petalis basi adnata, antheris caesiis. Ovarium carpophorum 3<sup>'''</sup> longum subaequans, basi 3loculare, stigmatibus 3styliformibus 3<sup>'''</sup> longis intus puberulis. Capsula calycis tubum superne paululum inflans, dentibus 6 debiscens, seminibus placentae centrali immersis reniformibus dorso ad marginem crista denticulorum utrinque auctis.

In regione alpina Macedoniae: socialis in pratis humidis

juxta rivulos m. Nidgé alt. 4400' — 4870' (substr. marmor.) (unde descendit cum aquis nonnunquam in regionem Pinus)! Fl. Jun. A.

11) *S. Armeria* L. annua, caule erecto alterne vel superne dichotome ramoso glaberrimo sub nodis viscido, ramis fastigiatis, foliis glaucescentibus basi subcordata amplexicaulibus (ovatis vel) ovato-lanceolatis, superioribus acutis, imis spathulatis, cymae corymbiformis pedicellis inferioribus calycem subaequantibus, extimis lateralibus cum alari subfastigiatis, calyce basi umbilicato clavato glabro, dentibus ovatis obtusis margine membranaceis, petalis roseis coronatis, unguibus calycem et stamina aequantibus, laminis cuneato-oblongis subemarginatis coronae bipartitae segmenta lanceolata acuminata plus duplo superantibus, capsula oblonga inclusa carpophorum aequante. — Ic. Fl. dan. t. 559. Foliis caulinis angustioribus paullum nostra a vulgari forma recedit.

In Thracia boreali pr. Carlova (Friv.).

12) *S. compacta* Fisch. »biennis«, caule stricto simpliciusculo glaberrimo sub nodis viscido, foliis glaucescentibus basi rotundata amplexicaulibus oblongis vel ovato-oblongis obtusatis, imis lanceolato-spathulatis, cymae densiflorae pedicellis omnibus brevissimis, alari paullum exserto, calyce basi umbilicato clavato glabro, dentibus ovatis acutiusculis margine brevissime ciliatis, petalis violaceo-carneis coronatis, unguibus calycem et stamina aequantibus, laminis oblongis obtusis integerrimis coronae bipartitae segmenta lineari-lanceolata acuminata plus duplo superantibus, capsula ovato-oblonga inclusa carpophoro paullum superata. — Ic. Reichenb. exot. t. 26. (Habitus bene illustratus: proportiones floris in nostra paullulum diversae.) — Syn. *S. Armeria* Sm. prodr. ex loco nat. — It. 1. p. 251. (*Armeria*). Nostra perfecte convenit cum stirpe in h. bot. Gott. ex semin. petropolit. culta.

In Macedonia et Thracia: copiose inter frutices sempervirentes pr. Caracis locis apricioribus alt 2000' (substr. micasch.)! et in litore penins. Hajion-Oros pr. Daphne (Friedr.); inter frutices Rhodopes borealis pr. Carlova, Banja et Calophrin in rupibus graniticis (Friv.) Fl. Jun. — Aug. M.

13) *S. Lerchenfeldiana* Baumg. perennis, caulibus adscendentibus simplicibus glabris, foliis glaucescentibus basi attenuata amplexicaulibus oblanceolatis acutiusculis, imis con-